

# Rewbe hannde

« Si a arnoto, arno e dow seedee, 1  
mayraado to batta e baa'iniwal. »

Kono Sayxu gelaaki nge'el jamanel, 2  
fii jawle e rewbe e wippondiral,

Wa bonooji e teewu e duppitugol, 3  
wa jigaaje e jiibe e siikondiral.

Si a arni wa hannde e dow seedee, 4  
si a fewtu be inna ko habbotiral.

Saa yaa to waliyyu yamaa yamude, 5  
yameteedo le woonda wanaa gidgol.

Si a wii yo o joodo o hawtora non, 6  
si a nangu mo jungo, ko wippitagol.

Si a yuppu mo, loyru, o yaltira non, 7  
si a yaa to waliyyu, ko jonnitugol.

Si a yaaru to makko datal gootal, 8  
ben seytina jonnita ngol yamugol.

Si a neebu be inna a taw feyyii, 9  
si a yaawu be rutte ga muññitagol.

Adinoobe hadii, min men mi hadii, 10  
wata gooto ador ceemeedo desal.

Si a wintike seeda, be jonnitu maa, 11  
si a fandin, dun wona tilfitagol.

Si a baati mo seeda, o farnano maa, 12  
si a hawku mo, dun wona jonnitugol.

Sayxuube no wembori hoore mu'un, 13  
tawdeede e yimbe nge'el jamanel.

Sayxuube adiiɓe no moolotonoo, 14  
wata Joomam tawnu ɓe ngel jamanel.

Kajibuuji wadaa sidquuji e ngel, 15  
bursaadi wadaa huuraadi dewal.

E ko honno waday mi e ngel jamanel, 16  
bote woo alanaa ɓe e kuude dewal ?

Suddiiɓe no don, lidduube ɓe'e, 17  
juulayɓe ɓe janga, ɓe huuwa dewal.

Si a arnike ɓen, hiɓe deɣɣa budu, 18  
jaɓugol salagol, haa ñande ɣamal.

Si a yaadu e jawdi, o manka ndi don, 19  
tuma neebi o ndarta ndi fi bonugol.

Si ɓe rokka, ɓe arda no wiiru mi nii, 20  
si wonaa dun, waasaa tilfitagol.

Si a huylike jemma, o hejgin maa: 21  
« Wata hawkan hawkaa kuude dewal ».

Himo deɣɣa si tikkere bolle yanii, 22  
himo wewla si ardii fii fijugol.

Si a wintike seeda, o mantor maa, 23  
si a waasu, o surrire muññitagol.

Si a baati mo seeda, o okkitu maa; 24  
Si a hawku mo, ɗun wona muññitagol.

Si ɓe honna e suudu, ɓe muñño don, 25  
si a noddu, ɓe nootora tun wa nge'el.

Suddiiɓe resaaɓe siforɓe wa nii, 26  
rokkee ɓe sadaaqu e wellitugol.

Si a arnoto non, ko mo jeydirɗaa 27  
jiha neene e baaba e rontondiral.

Wata arno mo godɗo e fii yamugol, 28  
hara jeyɓe no woodi, ɓe rontondiral.

teddungal.wordpress.com